

**Bosna i Hercegovina
Federacija Bosne i Hercegovine
Tuzlanski kanton
OPĆINA GRAČANICA**

Predlagač: Općinski načelnik

**INFORMACIJA O STANJU ZAŠTITE OD POŽARA
I VATROGASTVA, PRAĆENJU I IZVRŠENJU
PLANA ZAŠTITE OD POŽARA NA PODRUČJU
OPĆINE GRAČANICA U 2018.GODINI**

Razmatra: Općinsko vijeće

Obrađivač: Služba za civilnu zaštitu

Gračanica, februar 2019. godine

Uvod

Ova informacija ima cilj ukazati na stanje zaštite od požara i vatrogastva na području općine Gračanica (u daljem tekstu: Općina), sa posebnim osvrtom na aktivnosti u 2018. godini. Na osnovu prikupljenih informacija iz privrednih društava, mjesnih zajednica, škola i drugih pravnih lica Služba za civilnu zaštitu analizira odnos njihove organizacije zaštite od požara i procijenjenog rizika, te u skladu s tim planira taktičke nastupe u slučaju potrebe, kao i aktivnosti na unapređenju organizovanja i provođenja preventivnih i operativnih mjera zaštite od požara i vatrogastva na prostoru cijele općine.

Zaštita od požara obuhvata skup mjera i radnji upravne, organizacione, tehničke, obrazovne i propagandne prirode koje se preduzimaju u cilju zaštite ljudskih života i imovine od požara.

Vatrogastvo je **obavezna** javna služba čija je osnovna djelatnost zaštita i spašavanje ljudi i materijalnih dobara od požara i čije trajno i neometano obavljanje osiguravaju Federacija, kanton, općina i grad na način predviđen zakonom. Vatrogasna djelatnost je stručna i humanitarna djelatnost koja je u funkciji zaštite osnovnih ljudskih prava na život i materijalna dobra, pa stoga predstavlja poseban javni interes za sve nivoe vlasti u Federaciji BiH.

U svrhu zaštite života ljudi i imovine od požara preduzimaju se mjere i radnje za otklanjanje uzroka požara, za sprječavanje nastajanja i širenja požara, za otkrivanje i gašenje požara, za spašavanje ljudi ugroženih požarom, za utvrđivanje uzroka požara, kao i za pružanje pomoći kod otklanjanja posljedica prouzrokovanih požarom.

Zaštitu od požara organizuju i osiguravaju njeno sprovođenje vlasnici, odnosno korisnici imovine na način utvrđen Zakonom i drugim propisima.

Svaki pojedinac ima obavezu da vodi računa da svojim postupcima ne ugrožava živote ljudi i imovinu drugih vlasnika.

Prema Zakonu o zaštiti od požara i vatrogastvu u Federaciji Bosne i Hercegovine („Službene novine Federacije BiH“, broj: 64/09) odgovorna lica za organizovanje zaštite od požara su:

1. vlasnik, odnosno korisnik imovine kada se radi o privatnom vlasništvu,
2. rukovodilac organa uprave, upravne organizacije i drugog državnog organa Federacije, kantona, grada i općine,
3. direktor, odnosno drugo odgovorno lice u privrednom društvu i drugom pravnom licu određeno općim aktom pravnog lica.

Požarni rizik i način organizovanja zaštite od požara i vatrogastva na području Općine

Organizovanje i provođenje zaštite od požara i vatrogastva na području Općine vrši se na osnovu Odluke o organizovanju i funkcionisanju zaštite od požara i vatrogastva na području Općine Gračanica („Službeni glasnik Općine Gračanica“, broj: 2/13), Plana zaštite i spašavanja od prirodnih i drugih nesreća Općine, Plana zaštite od požara, kao i na osnovu planova organizovanja zaštite od požara pravnih i fizičkih lica koja imaju tu obavezu po osnovu važećih zakona o zaštiti od požara i vatrogastvu (FBiH i TK) i drugih podzakonskih akata koji se odnose na ovu oblast.

Općina Gračanica sa površinom od 219,5 km² i sa 45.220 stanovnika (prema popisu iz 2013. godine) spada u red većih općina Tuzlanskog kantona.



Država	 Bosna i Hercegovina
Entitet	 Federacija Bosne i Hercegovine
Kanton	Tuzlanski
Sjedište	Gračanica
Površina	219,5 km ²
Stanovništvo općina	59.134 (1991. godina - popis)
	45.220 (2013. godina - popis)
Stanovništvo grad	12.712 (1991. godina - popis)
	12.882 (2013. godina - popis)
Geografske koordinate	44° 41' 21" SGŠ 18° 18' 08" IGD

Sa aspekta požarne ugroženosti, područje općine karakteriše postojanje velikih šumskih kompleksa (65,6 km²), velikih poljopivrednih površina (cca 132,7 km²) kao i razvijena i raznovrsna industrijska i zanatska djelatnost (industrijska zona grada), kao i veći broj tržnih centara, te velika gustina objekata u većini naselja, a posebno u gradskom dijelu općine i prigradskim mjesnim zajednicama.

Požarni rizik u industriji i zanatstvu je velik zbog upotrebe velikog broja zapaljivih materija (drvena industrija, industrija kože, obuće i tekstila, grafička djelatnost, prerada i galvanizacija plastičnih masa i sl.).

Raznovrsnost proizvodnih procesa, uz veliki broj benzinskih pumpi (17), velikih trgovačkih centara, specijalizovanih trgovinskih radnji sa većim zalihama boja, lakova i sl. predstavlja visok požarni rizik. Međutim, i pored ovako visokog požarnog rizika ohrabuje činjenica da se u posljednjih 11 godina nisu desili požari velikih razmjera.

Pregled požara po vrstama u periodu 2008.-2018. godina

	2008.	2009	2010	2011	2012.	2013	2014.	2015	2016.	2017	2018	Ukupn o
Industrijski objekti	3	3	1	3	11	2	3	6	-	3	4	39
Zanatski objekti	4	2	1	2	3	-	1	-	-	6	-	19
Stambeni objekti	18	18	11	16	12	13	17	26	15	29	14	189
Ekonomski objekti	9	8	7	7	9	6	7	6	3	6	5	73
Šumski i nisko rastinje	21	8	5	37	57	11	6	26	8	39	17	235
Prevozna sredstva	6	2	5	-	2	1	8	2	6	7	5	44
Kontejneri	3	7	7	6	6	4	5	16	6	7	2	69

za smeće												
Tehničke intervencije	1	-	-	7	7	5	10	8	8	9	12	67
Stočna hrana	3	3	3	3	4	8	5	-	3	2	5	39
Deponije smeća	2	-	3	5	5	6	2	4	2	4	3	36
Javni objekti	1	-	1	-	-	-	-	-	-	-	1	3
Ostale intervencije	-	18	-	2	2	3	5	3	1	-	5	39
Ukupno (na području općine)	71	69	44	88	118	59	69	97	52	112	73	852
Općina Doboj Istok	3	-	-	-	4	4	2	8	2	-		23
Opština Petrovo	-	-	-	-	-	-	-	2	1	2		5
Svega intervencija za period 2008.-2018. godina												880

Požari na otvorenom prostoru najviše štete nanose šumama i šumskom zemljištu. Šumski kompleksi su vrlo osjetljivi na požare, jer se, pored osnovne namjene koriste i kao mjesta za odmor-izletišta. Požarnoj ugroženosti šumskih površina doprinose i visoke temperature zraka koje često vladaju u ljetnim mjesecima, kao i neodgovoran odnos korisnika tih izletišta.

Posebno su ugrožene šumske kulture četinarara i kulture uz putne komunikacije te one u blizini naselja. Opasnost od požara nastaje i u vrijeme kada prevladavaju suhi proljetni vjetrovi, a zatim, u ljetnom periodu s visokim dnevnim i noćnim temperaturama. Požar može potpuno uništiti šumu i život u njoj, pa i mikroorganizme u površinskom sloju zemljišta, tako da su na taj način pričinjene štete nenadoknadive, pogotovo sa aspekta erozije tla i očuvanja ekosistema u šumama.

Šumama i šumskom zemljištu na nivou Tuzlanskog kantona gazduje Javno preduzeće „Šume Tuzlanskog kantona“ d.d. Kladanj, koje donosi i postupa po svom Planu zaštite šuma od požara (jedan primjerak dostavlja Službama za civilnu zaštitu na TK). Plan sadrži organizaciju zaštite šuma i šumskog zemljišta od požara, na nivou preduzeća i po radnim jedinicama, lica zadužena za zaštitu od požara (štab na nivou preduzeća i po odjelima), materijalno tehnička sredstva za gašenje požara sa kojima raspolaže preduzeće, kao i preventivne mjere zaštite koje će se primjenjivati u šumama i šumskom zemljištu. Tačkom 9.5. Plana zaštite od požara TK

(„ Službene novine TK“, broj: 8/17) stoji konstatacija da JP „Šume TK“ d.d. Kladanj nema sopstvenu vatrogasnu jedinicu, nego za potrebe gašenja požara angažuju vatrogasne jedinice onih opština na čijem području se odvijaju požari.

U slučaju požara većih razmjera, u skladu sa Planom mobilisu se svi uposlenici Društva i sva raspoloživa materijalno-tehnička sredstva, te uvode dežurstva po šumarijama dok za to postoji potreba.

Pored šuma, šumskog i poljoprivrednog zemljišta, požarno najugroženija su naselja, kako gradsko tako i ruralna.

U Procjeni ugroženosti od požara područja općine dat je poseban osvrt na centar grada sa aspekta požarne opasnosti zbog starosti objekata i individualnog zagrijavanja, te postojanja dosta tavanskih prostora u kojima se odlažu nepotrebne stvari, a koje predstavljaju potencijalnu opasnost za izazivanje i prenos požara. Požarna opasnost u gradu djelimično je umanjena primjenom urbanističkih mjera kod planiranja i izgradnje objekata i postojanjem sistema vanjske hidrantske mreže u gradskim naseljima i unutrašnje hidrantske mreže u stambenim zgradama. Činjenica je da su oba sistema dosta zapuštena, a unutrašnja hidrantska mreža u stambenim objektima je dosta devastirana u toku i poslije rata i trebalo bi je obnoviti kako bi služila svojoj namjeni. Većina i stambenih i industrijskih objekata na području općine građena je od čvrstih materijala velike vatrootpornosti (cigla, beton), a dobra mreža puteva u većini naseljenih mjesta omogućava prilaz svim objektima u slučajevima potrebe za protivpožarnim dejstvom.

Svako naseljeno mjesto ima vodovodnu infrastrukturu, a uviđajući potrebu, pojedine mjesne zajednice su u novije vrijeme pristupile planiranju i izgradnji vanjske hidrantske mreže (u sklopu realizacije projekata vodosnabdijevanja), što će doprinijeti efikasnijoj zaštiti od požara i vatrogastvu u tim mjesnim zajednicama.

Zbog činjenice da se količine vode u ljetnim mjesecima, u uslovima dugotrajnog odsustva padavina, u većem broju naselja znatno smanjuju, potrebno je osigurati alternativne izvore vode za potrebe gašenja požara. Izgradnjom minimalnog broja vanjskih hidranata u svim mjesnim zajednicama povećala bi se efikasnost u protivpožarnim intervencijama na području tih mjesnih zajednica.

Profesionalna vatrogasna jedinica je osnovna organizovana snaga za zaštitu od požara i predstavlja jednu od važnijih snaga u zaštiti ljudi i njihovih dobara ne samo u požarnim intervencijama. Imajući u vidu površinu općine, broj stanovnika, požarno opterećenje i usvojenu Procjenu ugroženosti i Plan zaštite od požara za područje općine Gračanica, broj izvršilaca-vatrogasaca u Odsjeku za zaštitu od požara i vatrogastvo-PVJ Gračanica nije zadovoljavajući. Taj nedostatak bi trebalo u narednom periodu otkloniti, kako bi se rad mogao organizovati na način koji predviđa vatrogasna struka i praksa.

Takođe, oprema i sredstva sa kojima raspolaže jedinica je većim dijelom zastarjela, tako da njihova funkcionalnost i upotreba umanjuje spremnost i operativnost jedinice. Iz prirode ove djelatnosti i neophodnih materijalno-tehničkih sredstava za njeno funkcionisanje, može se reći da gotovo su svi problemi u vatrogastvu vezani za finansijska sredstva, odnosno za nedostatak finansijskih sredstava.

Zaštita od požara u većini privrednih društava i drugih pravnih lica na području Općine se iz godine u godinu podiže na nivo koji propisuje Zakon, kako u pogledu usklađenosti normativnih akata, tako u pogledu materijalno-tehničke opremljenosti, ali i dalje ima proizvodnih i uslužnih kapaciteta, čak novoizgrađenih u kojima zaštita od požara nije adekvatno urađena, ili je sa improvizovanim rješenjima, koja ne mogu dati adekvatan odgovor kada se požar desi.

Ipak, može se konstatovati da se ovoj problematici od strane privrednih društava i drugih pravnih lica posvećuje sve veća pažnja, te su u velikom broju njih postavljena lica zadužena za organizovanje i provođenje zaštite i spašavanja (i zaštite od požara), te postavljeni povjerenici civilne zaštite, koji takođe imaju veliku ulogu u sistemu zaštite i spašavanja.

U stambenim zgradama kojih je svaki dan sve više, kada se radi o zaštiti od požara, takođe su nedovoljno primijenjene mjere zaštite od požara, što ih čini požarno vrlo osjetljivim.

Očekujemo da će se preventivnim radom nadležnih institucija to stanje popraviti u privrednim društvima i pravnim licima gdje to do sada nije ispoštovano, kao i u stambenim objektima na području općine.

Aktivnosti PVJ Gračanica u 2018. godini

Odsjek za zaštitu od požara i vatrogastvo-Profesionalna vatrogasna jedinica (u daljem tekstu: PVJ) koji je u sastavu Službe za civilnu zaštitu izvršava: stručno operativne, administrativne i druge poslove koji se odnose na prevenciju i zaštitu od požara i vatrogastvo, pregled, održavanje i servisiranje aparata za gašenje početnog požara i druge opreme koja se koristi u svrhu gašenja požara, usluge prevoza vode za fizička i pravna lica, protivpožarno obezbjeđivanje raznih manifestacija gdje se okuplja veći broj ljudi, pružanje pomoći stanovništvu u uslovima prirodnih i drugih nesreća i drugim aktivnostima.

Rad Profesionalne vatrogasne jedinice Gračanica i u 2018. godini odvijao se neprekidno, u smjenama, tako da je trinaest (13) uposlenika (sa stariješinom jedinice), od kojih 1 zbog zdravstvenih razloga ne može obavljati poslove vatrogasaca pokrivalo 24-satno dežurstvo, sa najviše 2 vatrogasaca u smjeni. Ovaj broj izvršilaca u jednoj smjeni je nedovoljan za efikasan i bezbjedan rad smjene, naročito u uslovima povećane opasnosti od požara (proljeće i ljeto).

Pored obavljanja profesionalnih obaveza u gašenju požara, angažovanosti na pružanju pomoći stanovništvu, privrednim društvima i drugima kojima je pomoć bila potrebna, pripadnici PVJ Gračanica imaju zakonsku obavezu i stalnog usavršavanja, kako teoretskog, tako i praktičnog. Taj drugi vid aktivnosti vršen je prema Godišnjem planu i programu stručnog osposobljavanja i usavršavanja vatrogasaca, kao i operativnim sedmičnim i mjesečnim planovima koje je, na osnovu Godišnjeg plana donosio starješina jedinice.

Protivpožarne intervencije su obilježile aktivnost PVJ Gračanica i u 2018. godini, ali je u proljećnom periodu, zbog čestih i obilnih padavimna ova jedinica imala i veliki broj tehničkih intervencija na crpljenju vode iz stambenih i drugih objekata.

Pregled aktivnosti PVJ Gračanica u periodu 01.01.2018. do 31.12.2018. godine prikazan je u narednim tabelama, sa datumom i mjestom intervencije, upotrijebljenom tehnikom, brojem izvršilaca-vatrogasaca i vremenom trajanja intervencije.

Protivpožarne intervencije

Stambeni objekti

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. smjeni	Vanred. angaž.vatr	Trajanje intervenc.
02.01.2018.	Požar u dimnjaku stambenog objekta	Gračanica-Lipa	Berliet 3000 l	2	-	45 min.
09.01.2018.	Požar u dimnjaku stambenog objekta	Gračanica-Korića Han	Berliet 3000 l	2		1 h 10 min.
19.01.2018.	Požar u dimnjaku stambenog objekta	Gračanica-Luke	Berliet 3000 l	2	-	1 h
20.01.2018.	Požar na krovu stambenog objekta	Donja Orahovica	Berliet 3000 l	2	1	1 h 15 min
01.03.2018.	Požar u dimnjaku stambenog objekta	Gračanica-Stubo	Iveco 2500 l	2	-	1 h 20 min.
03.03.2018.	Požar u dimnjaku stambenog objekta	Gračanica-Varoš	Berliet 2000 l	2	-	35 min.
23.03.2018.	Požar u dimnjaku stambenog objekta	Gračanica-Mejdanić	Berliet 3000 l	2		45 min.

03.04.2018.	Požar u dimnjaku stambenog objekta	Gračanica-Varoš	Berliet 2000 l	2		1 h 45 min
02.09.2018.	Požar na krovu stambenog objekta	Gračanica-Pašalići	Berliet 3000 l	2	1	1 h 30 min
02.09.2018.	Požar na krovu stambenog objekta	Gračanica-Pašalići	Berliet 2000 l	2	-	1 h 20 min.
18.10.2018.	Požar na stambenom objektu	Gračanica	Berliet 3000 l	2	2	1 h 25 min.
24.10.2018.	Požar u dimnjaku stambenog objekta	Gračanica-Pašalići	Berliet 3000 l	2	-	1 h 30 min
09.12.2018.	Požar na stambenom objektu-kotlovnica	Gračanica Lipa	Iveco 2500 l	2	2	1 h 40 min.
16.12.2018.	Požar u dimnjaku stambenog objekta	Gračanica-Bazen	Berliet 2000 l	2		42 min.

Ekonomski objekti

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redov. smjeni	Vanred. angaž.vatr	Trajanje intervenc.
26.01.2018.	Požar na šupi i garaži	Donja Orahovica-Rijeka	Berliet 3000 l	2	-	1 h
30.01.2018.	Požar garaži i vozilu	Dobrovci	Berliet 3 000 l	2	-	1 h 50 min.
24.08.2018.	Požar na kotlovnici	Vranovići	Iveco 2500 l	2		50 min
21.09.2018.	Požar na šupi	Donja Orahovica	Berliet 3000 l	2	-	40 min
18.11.2018.	Požar na štali	Stjepan Polje	Berliet 3000 l	2		1 h

Šumski požari

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redov. smjeni	Vanred. angaž.vatr.	Trajanje intervenc.
02.02.2018.	Požar u bjelogor.šumi	Gornja Lohinja	Mercedes 3500 l	2	1	2 h 45 min.
10.03.2018.	Požar u bjelogor. šumi	Gračanica-Bijela Polja	Mercedes 3500 l	2	1	1h 35 min.
27.10.2018.	Šumski požar-bjelogorica	Prijeko Brdo	Mercedes 3500 l	2	-	1 h 50 min
13.11.2018.	Šumski požar-bjelogorica	Rašljeva	Mercedes 3500 l	2	-	1 h 30 min

Kontejneri za smeće

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redov. smjeni	Vanred. angaž.vatr	Trajanje intervenc.
07.01.2018.	Požar na smeću u kontejneru	Gračanica-zelena pijaca	Berliet 3000 l	2	-	25 min.
18.02.2018.	Požar na smeću u kontejneru	Gračanica-kod zgrade Općine	Berliet 3000 l	1	-	20 min

Nisko rastinje i korov

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redov. smjeni	Vanred. angaž.vatr	Trajanje intervenc.
-------	----------------	---------------------	-------------------------------	-----------------------------	--------------------	---------------------

24.04.2018.	Požar na niskom rastinju	Pribava	Berliet 3000 l	2	1	1 h 20 min
15.08.2018.	Požar na niskom rastinju	Gračanica-Crni put	Berliet 3000 l	2	-	2 h.
17.08.2018.	Požar na niskom rastinju	Donja Orahovica-Rijeka	Iveco 2500 l	2	-	2 h.
17.09.2018.	Požar na suhom korovu i drvetu	Gračanica-Drafnići	Berliet 3000 l	2		1 h 15 min
17.09.2018.	Požar na niskom rastinju	Dona Orahovica	Berliet 3000 l	2		1 h 15 min.
21.09.2018.	Požar na niskom rastinju	Donja Orahovica-Turkovići	Iveco 2500 l	2		1 h
26.09.2018.	Požar na niskom rastinju	Donja Orahovica	Iveco2500 l	2	1	1 h 10 min
10.10.2018.	Požar na korovu i rastinju	Donja Orahovica	Iveco 2500 l	2	-	1 h
28.10.2018.	Požar na niskom rastinju i korovu	Donja Orahovica	Berliet 3000 l	2	-	2 h
28.10.2018.	Požar na niskom rastinju	Miričina	Mercedes 3500 l	2	1	1 h
06.11.2018.	Požar na suhom korovu	Gračanica-Bijela Polja	Mercedes 3500 l	2	-	45 min

12.11.2018.	Požar na niskom rastinju	Gračanica-Bijela Polja	Berliet 3000 l	2	-	40 min
15.11.2018.	Požar na niskom rastinju	Miričina	Mecedes 3500 l	2	-	1 h

Požari na vozilima

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. smjeni	Vanred. angaž.vatr	Trajanje intervenc.
17.01.2018.	Požar na autu	Gračanica-Hajdarovac	Berliet 3000 l	2	1	1 h 45 min.
01.06.2018.	Požar na putničkom motornom voilu	Gračanica-Luke	Berliet 3000 l	2	-	45 min
25.07.2018.	Požar na vozilu	Gračanica-Drafnići	Berliet 3000 l	2	-	50 min.
15.08.2018.	Požar na motornom vozilu	Gračanica-Ritošići	Iveco 2500 l	2		50 min.
26.09.2018.	Požar na motornom vozilu	Donja Lohinja	Berliet 3000 l	2		50 min

Deponije smeća

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. smjeni	Vanred. angaž.vatr	Trajanje intervenc.
14.08.2018.	Požar na deponiji smeća	Gračanica-Grabovac	Berliet 3000 l	2	-	45 min.
18.10.2018.	Požar na deponiji smeća	Soko	Berliet 3000 l	2	-	30 min
25.12.2018.	Požar na krupnom otpadu	Piskavica	Berliet 3000 l	2	-	45 min

Tehničke intervencije

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.vat r	Trajanje intervenc.
03.03.2018.	Saobraćajna nesreća	Gračanica	Iveco 2500 l, alat	2	-	1h 30 min.
30.04.2018.	Crpljenje vode iz objekta	Gračanica-Lipinac	Iveco 2500 l	2	-	30 min.

02.05.2018.	Crpljenje vode iz objekta	Gračanica	Berliet 300 l	2	-	1 h
02.05.2018.	Crpljenje vode iz objekta	Donja Orahovica	Iveco 2500 l	2		1 h 10 min.
03.05.2018.	Crpljenje vode iz objekta	Gračanica	Berliet 2000 l	1	-	1 h 10 min.
04.05.2018.	Crpljenje vode iz objekta	Gračanica-„Plamingo „	Berliet 3000 l	2	-	1 h
04.05.2018.	Crpljenje vode iz objekta	Gračanica-Korića Han	Kombi WV	2	-	30 min
05.05.2018.	Crpljenje vode iz objekta	Donja Lohinja	Iveco 2500 l	2	-	2 h
06.05.2018.	Crpljenje vode iz objekta	Gračanica	Berliet 3000 l	2	-	1 h 20 min
17.06.2018.	Tabla s aasiguračima u stambenom objektu	Donja Orahovica	Berliet 3000 l	2		30 min
01.08.2018.	Crpljenje vode iz zgrade Općinskog suda	Gračanica	Iveco 2500 l	2	1	2 h
02.11.2018.	Saobraćajna nesreća	Gračanica-Pašalići	Iveco 2500 l, alat	2		1 h

Stočna hrana

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.vat r	Trajanje intervenc.
01.01.2018.	Požar na sijenu	Babići	Berliet 3000 l	2	-	1 h 30 min
13.10.2018.	Požar na sijenu	Stjepan Polje	Berliet 3000 l	2	-	1 h 20 min
08.12.2018.	Požar na balama sijena	Soko	Iveco 2500 l	2	-	1 h
21.12.2018.	Požar na sijenu	Škrahovica	Berliet 3000 l	2	-	1 h
27.12.2018.	Požar na sijenu	D.Orahovica	Iveco 2500 l	2	.	1 h 10 min

Industrijski i drugi poslovni objekti

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. smjeni	Vanred. angaž.vatr	Trajanje intervenc.
04.05.2018.	Požar na pogonu firme „Pla-pen“	Gračanica-Hajdarovac	Berliet 3000 l	2	1	2 h
12.09.2018.	Požar u pilani „Halidović“	Pribava	Berliet 3000 l Iveco 2500 l Berliet 2000 l	10	-	3 h 30 min
30.10.2018.	Požar u pilani „Husanović“	Gračanica	Berliet 3000 l	3	-	1 h 30 min
16.11.2018.	Požar u pilani „Muftić“	Vranovići	Berliet 3000 l	2	1	2 h

Javni objekti

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. smjeni	Vanred. angaž.vatr	Trajanje intervenc.
03.01.2018.	Požar na objektu Opšte bolnice „dr Mustafa Beganović“	Gračanica	Berliet 3000 l	2	1	1 h

Ostali požari

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. Smjeni	Vanred. angaž.vatr	Trajanje intervenc.
-------	----------------	---------------------	-------------------------------	------------------------------	--------------------	---------------------

20.02.2018.	Požar na otpadnom materijalu	Gračanica	Iveco 2500 l	2	-	1 h 15 min
22.04.2018.	Požar na vikendici	Miričina	Iveco 2500 l	2	-	1 h 30 min
07.07.2018.	Požar na elektr. uređaju u stambenom objektu	Gračanica-Drafnići	Berliet 3000 l	2	-	30 min
02.11.2018.	Požar na elektroinstalac. u stanu	Gračanica	Iveco 2500 l	2		45 min
17.11.2018.	Požar na lovačkoj kući	Piskavica	Iveco 2500 l	2		1 h

Na osnovu gornjih pokazatelja, u toku 2018. godine na području općine Gračanica PVJ Gračanica je imala 73 intervencije, od čega je 61 protivpožarna, a 12 je bilo tehničkih.

- šumski požar..... 4 ,
- na kontejnerima za smeće 2,
- na ekonomskim objektima 5,
- na niskom rastinju i korovu..... 13,
- na deponijama smeća 3,
- na vozilima 5,
- tehničke intervencije..... 12
- na stambenim objektima 14,
- na poslovnim i industr. objektima..... 4,
- na stočnoj hrani 5,
- javni objekti 1 i
- ostali požari 5

U intervencijama PVJ na području općine Gračanica učestvovalo je 155 vatrogasaca (139 redovno angažovana i 16 vanrednih).

Od sredstava za gašenje požara korištene su: auto cisterne FAP od 8000 l, Berliet od 3000 l, Mercedes sa 3500 l, Iveco 3000 l, vatrogasni kombi, aparati za početno gašenje požara, naprtnjače kao i drugi priručni alat. Kamion FAP koji je služio kao prvo navalno vozilo, zbog dotrajalosti i kvara se ne može koristiti u punom kapacitetu, ali je nužno osposobljen i služi samo za slučaj većih intervencija.

Zaključno sa 31.12. 2018. godini servis za pregled i servisiranje vatrogasnih aparata koji radi u sklopu PVJ Gračanica pregledao je i servisirao 2141 aparata za početno gašenje požara tipa „S“ i 91 aparat tipa „CO₂“.

Takođe, vršen je i prevoz vode i to: za kolektivni centar Drafnići u Gračanici 46 cisterni, za prostopavanje kanalizacije u naselju Drafnići 3 cisterne, po odobrenju Općinskog načelnika 6 cisterni je prevezeno za stanovništvo MZ Rašljeva, a u komercijalne svrhe 22 cisterne, što je ukupno 77 prevezenih cisterni vode.

Inače, sve komercijalne usluge koje vrši PVJ Gračanica uplaćuju se od strane korisnika usluga, po cjenovniku koji je odobrio Općinski načelnik. Za svaku izvršenu uslugu izdaje se fiskalni račun, a dnevni promet-prihod se polaže u banku.

Na osnovu izvršenih usluga PVJ Gračanica je do 31.12.2018.godine ostvarila promet od 15.314,47 KM bez PDV.

Služba za civilnu zaštitu je, zajedno sa Policijskom upravom Gračanica, preko sredstava informisanja upućivala upozorenja građanima za preduzimanje svih preventivnih mjera prilikom izvođenja radova na spaljivanju korova i otpada u neposrednoj blizini šuma, stambenih i

poslovnih objekata, na izletištima i slično.

PVJ Gračanica je u toku godine vršila i protivpožarno osiguranje kod obilježavanja značajnih datuma i događaja kojima je organizator i pokrovitelj bila Općina Gračanica (Nova godina, Dan Općine, obilježavanje godišnjice bitke na Visu, nogometnih utakmica na gradskom stadionu, sajam "Grapos Expo").

Obuka, osposobljavanje i opremanje

U Odsjeku za zaštitu od požara i vatrogastvo-PVJ Gračanica svakodnevno su se provodile aktivnosti na obučavanju i uvježbavanju pripadnika iz oblasti zaštite od požara i vatrogastva po Planu i programu obučavanja (teoretska obuka i praktična obuka na tehnicima).

29.01.2018. godine komisija imenovana od strane Općinskog načelnika izvršila je testiranje i provjeru osposobljenosti 12 profesionalnih vatrogasaca koji su svojim znanjem i psihofizičkim sposobnostima zadovoljili na testiranju i provjerama.

Obavljen je i redovan ljekarski pregled uposlenika PVJ Gračanica, koji su na pregledu zadovoljili.

U 2018. godini postupkom javne nabavke za ove potrebe za PVJ, nabavljena su slijedeća sredstva i oprema:

1. Vatrogasno zaštitno odijelo 3 kom,
2. Vatrogasna kaciga 3 kom,
3. Baterijska lampa za kacigu 4 kom,
4. Rukavice za tehničke intervencije 13 pari,

Praćenje i izvršenje Plana zaštite od požara

Plan zaštite od požara je dokument kojim je utvrđena organizacija i način provođenja mjera zaštite i spašavanja od požara, određeni zadaci za organe vlasti, pravna i fizička lica i druge subjekte na zaštiti i spašavanju, kao i snage i sredstva potrebne za neposredno ostvarivanje mjera predviđenih Zakonom o zaštiti od požara i vatrogastvu, drugim propisima koji regulišu ovu oblast i Planom zaštite od požara.

Propisano je da Plan zaštite od požara izrađuju svi državni organi i druge institucije i pravna lica čije su građevine prema požarnoj ugroženosti razvrstane u PU1 ili PU2.

Planom zaštite od požara se, na osnovu utvrđene procjene ugroženosti od prirodnih i drugih nesreća i požara, postojećeg stanja i provedene analize zaštite od požara pojedinih zona i objekata izloženih opasnostima od požara, utvrđuje cjelokupna organizacija sistema zaštite od požara, prava i dužnosti nosilaca aktivnosti u organizovanju, sprovođenju i unapređenju zaštite od požara.

Preduzimanje i sprovođenje mjera zaštite od požara vrši se na svim mjestima i u svim objektima koji su izloženi opasnostima od požara.

Osim mjera zaštite od požara utvrđenih zakonom i drugim propisima donijetim na osnovu njega, Planom se utvrđuju odnosi i saradnja organa i institucija, pravnih i fizičkih lica i građana u sprovođenju mjera zaštite od požara i određuju njihova prava i dužnosti.

Planom zaštite od požara koje je usvojilo Općinsko vijeće Gračanica na sjednici održanoj 31.01.2013. godine, utvrđeno je da vlasnici, korisnici ili zajednički upravitelji građevina moraju sprovesti mjere zaštite od požara koje podrazumijevaju organizacijske, tehničke i tehnološke mjere koje smanjuju rizik od požara i povećavaju požarnu sigurnost, kao i preduzimanje i staranje

o svim propisanim preventivnim mjerama zaštite od požara i eksplozije koje su propisane članovima 9., 10. i 11. Pravilnika o uslovima, osnovama i kriterijima za razvrstavanje građevina u kategorije ugroženosti od požara (“Službene novine FBiH”, broj: 79/11) .

Na osnovu naprijed nevedenog Pravilnika, vlasnici, korisnici i upravitelji građevina iz kategorije požarnih ugroženosti PU1 i PU2 su obavezni svoje planove zaštite od požara dostaviti Službi za civilnu zaštitu, odnosno Profesionalnoj vatrogasnoj jedinici.

U donjoj tabeli dat je prikaz pravnih lica koja su u 2018. godini dostavila svoje Procjene ugroženosti od požara i Planove zaštite od požara ili koja su imenovala lica odgovorna za zaštitu od požara.

Red. broj	Naziv pravnog lica	Datum dostavljanja Procjene i Plana ZOP	
136.	Šume TK – šumski putevi kroz područja sa uvećanim požarnim rizikom		15.03.2018.godine JP Šume TK dostavile Plan zaštite šuma od požara za 2018. godinu (Broj: 2892/18 od 15.03.2018. godine

Prioriteti i obaveze za opremanjem vatrogasne jedinice

Osnovna karakteristika svih vozila u PVJ Gračanica je velika starost (prosjeak više od 30 godina) i relativno mala zapremina spremnika za vodu i pjenilo, te ograničene pogonske i manevarske sposobnosti na različitim vrstama terena (nagib, kvalitet podloge-puta, širina ulica i sl.).

Sva vozila su izrabljena više nego što je propisano od strane proizvođača, tako da su sa tehničkog aspekta nepouzdana i ne daju efekat koji se očekuje u pogledu brzine izlaska na intervenciju, što se u nekoliko navrata i praktično pokazalo. Zbog takvih tehničkih karakteristika predstavljaju i potencijalnu opasnost, i za same vatrogasce i druge učesnike u protivpožarnim intervencijama.

Pregled vozila sa kojima raspolaže PVJ Gračanica dat je u donjoj tabeli:

Red. broj	Naziv i oznaka vozila	Registarska oznaka i važenje registracije	Godina proizvodnje	Snaga motora (KW)	Namjena
1.	RENAULT MASTER FDCVL 5 N-1 Teretno vozilo	E65-A-524 20.10.2019.	2005.	73	Medicinsko
2.	IVECO165-24 N-2 Teretno vozilo	K54-T-679 23.11.2019	1986.	177	Navalno
3.	VOLKSWAGEN CARAVELE M1-Putnički	481-J-070 30.03.2019.	1987.	51	Za prevoz ljudi

	automobil				
4.	BERLIET FPT770KB N2-Teretno vozilo	004-J-889 05.12.2019.	1979.	176	Navalno
5.	FAP13/ 14 N3-Terensko vozilo	270-T-007 19.06.2019.	1984.	107	Prateće
6.	MERCEDES BENZ LA 911B36 N2-Terensko vozilo	K54-T-680 23.11.2019.	1974.	81	Za šumske požare
7.	BERLIET FPT770KB N2-Terensko vozilo	004-J-887 05.12.2019.	1978.	176	Za šumske požare
8.	VOLKSWAGEN CADDY LIFE M1-Putnički automobil	T14-M-386 19.09.2019.	2004.	77	Komandno

Organizacija, popuna, formacije vatrogasnih snaga kao i rokovi i količine materijalno-tehničkih sredstava potrebne za nesmetano funkcioniranje vatrogasnih snaga općine Gračanica su utvrđeni u odredbama Zakona o zaštiti od požara i vatrogastvu („Službene novine Federacije BiH“, broj:64/09), Uredbe o uniformi, nazivima funkcija i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja stariješina tih jedinica, zaštitnoj i radnoj odjeći i opremi vatrogasaca („Službene novine Federacije BiH“, broj: 8/11), Pravilnika o uvjetima koje moraju ispunjavati objekti za smještaj profesionalnih i dobrovoljnih vatrogasnih jedinica i vatrogasnih jedinica pravnih lica i minimum materijalno –tehničkih sredstava potrebnih za održavanje opreme i sredstava tih jedinica („Službene novine Federacije BiH“, broj:107/12), [Pravilnika o minimumu tehničke opreme i sredstava i rok korištenja te opreme i sredstava za profesionalne i druge vatrogasne jedinice \(„Službene novine Federacije BiH“, broj: 104/12\)](#) Plana zaštite od požara Općine Gračanica i Programa razvoja zaštite i spašavanja ljudi i materijalnih dobara od prirodnih i drugih nesreća Općine Gračanica 2018.-2022. godina.

S obzirom da se radi o specifičnoj organizaciji, koja iziskuje posebne ljudske i materijalne resurse veće finansijske vrijednosti što iziskuje zahvatanja i planiranja u budžetu općine Gračanica, a u cilju implementacije gore navedenih Zakona i propisa smatramo da treba preduzeti mjere kako bi se implementirala nabavka i opremanje vatrogasnih jedinica. Vatrogasnim snagama je neophodna adekvatna kvalitetna popuna tehničkom opremom i sredstvima propisana Pravilnikom o minimumu tehničke opreme i sredstava i rok korištenja te opreme i sredstava za profesionalne i druge jedinice, kao i Pravilnikom o uvjetima koji moraju ispunjavati objekti za smještaj profesionalnih i dobrovoljnih vatrogasnih jedinica i vatrogasnih jedinica pravnih lica i minimuma materijalno- tehničkih sredstava potrebnih za održavanje opreme i sredstava tih jedinica, kako bi mogli kvalitetno odgovoriti postavljenim zadacima, to jest da zaštite građane i imovinu na prostoru općine.

Zaključak

Potrebno je da Općina Gračanica putem kreditiranja ili na drugi način obezbijedi finansijska sredstva za nabavku nedostajućih vatrogasnih vozila (prvenstveno vatrogasna cisterna sa spremnikom vode kapaciteta od 10.000-12.000 l vode, spremnikom za pjenilo 500 l, visoko tlačnom pumpom i ostalim pratećim komponentama i vatrogasnog vozila za spašavanje sa visina i gašenje, automatske ljestve dužine 25 m) i da za potrebe smještaja vatrogasnih vozila planira i izvrši dogradnju vatrogasnog doma.

Nedostajući broj ljudi u Profesionalnoj vatrogasnoj jedinici će se popunjavati u skladu sa finansijskim mogućnostima budžeta općine Gračanica, a potrebe za izvršiocima do konačne popune, Vatrogasna jedinica će obezbjeđivati kroz:

- Prijem pripravnika (dobrovoljnih vatrogasaca) raspoređenih po vatrogasnim grupama
- Organizacijom pasivnog dežurstva u jedinici
- Angažovanjem dobrovoljnih vatrogasaca ili drugih lica koja imaju položen ispit vatrogasca ili položen ispit dobrovoljnog vatrogasca koji u skladu sa članom 105. i 111. Zakona o zaštiti od požara i vatrogastvu i

Nabavkom nedostajuće opreme i sredstava i uz postojeća sredstva, Općina Gračanica bi obezbijedila siguran i efikasan rad Profesionalne vatrogasne jedinice, a njenom kadrovskom popunom osigurao bi se potreban broj izvršilaca po smjenama, što sada nije slučaj. To bi omogućilo osposobljavanje i obučavanje pripadnika jedinice, naročito u pogledu praktičnog nastupanja jedinice u pojedinim situacijama. Sve to bi se odrazilo na sigurnost građana i njihove imovine, a time i njihovo povjerenje u djelovanje ove jedinice.

U slučajevima većih požara, kada postojeće snage sa svojim snagama i sredstvima nisu u stanju pogasiti požar, traži se pomoć od Kantonalne uprave civilne zaštite Tuzla i susjednih općina iz entiteta Federacije i Republike Srpske koje mogu pružiti pomoć u skladu sa važećim procedurama i Planom zaštite od požara za područje Općine Gračanica i Plana zaštite od požara Tuzlanskog kantona.

U cilju edukacije stanovništva iz oblasti zaštite od požara otvorenih prostora i u građevinama, Općinska služba za civilnu zaštitu će, u saradnji sa nadležnim inspekcijama iz oblasti šumarstva i zaštite od požara, putem lokalnih medija kroz upozorenja šta činiti u slučajevima pojave požara, nastojati podići stepen odgovornosti građana i drugih pravnih i fizičkih lica u ovoj oblasti.

U stambenim blokovima putem upravitelja u stambenim zgradama, potrebno je osigurati provođenje preventivnih i operativnih mjera zaštite i spašavanja (redovna kontrola i ispitivanje hidrantske mreže i vatrogasnih aparata, nabavka novih pp aparata, obezbijediti ispravnost i prohodnost požarnih stepeništa u stambenim objektima, redovno vršiti kontrolu dimnjaka – periodično čišćenje dimnjaka i uređenja podrumskih prostorija).

U cilju stvaranja mogućnosti za nesmetano provođenje protivpožarnih intervencija u užem gradskom prostoru (otežan pristup vatrogasnim vozilima) potrebno je obnoviti i u funkcionalnom stanju održavati hidrantsku mrežu. U tom smislu potrebno je i u drugim naseljenim mjestima-mjesnim zajednicama u kojima postoji redovno snabdijevanje vodom vršiti ugradnju hidrantske mreže koja bi služila vatrogasnim jedinicama za gašenje požara i punjenje vatrogasnih cisterni vodom. Potrebno je takođe, shodno odredbama Zakona o zaštiti ljudi i materijalnih dobara od prirodnih i drugih nesreća promovisati potrebu nabavljanja aparata za gašenje požara u svako

domaćinstvo, čime bi se povećela mogućnost odgovora na pojavu požara u stambenim objektima.

Podizanjem svijesti o potrebi unapređenja ove oblasti, doslednim provođenjem zakonskih propisa u fazi projektovanja objekata, putne infrastrukture, montaže opreme i u toku izvođenja proizvodnih procesa, materijalno-tehničkim opremanjem profesionalne općinske jedinice i obukom zaposlenih i stanovništva, stvorit će se pretpostavke za efikasniju organizaciju zaštite od požara, odnosno smanjiti stepen ugroženosti od požara ljudi i materijalnih dobara.

Gračanica, februar 2019. godine

OPĆINA GRAČANICA
SLUŽBA ZA CIVILNU ZAŠTITU